

**STATUTI**  
**I SHOQËRISË TREGTARE**  
**"VALES " ME SELI NE TIRANE**

Sot, më date 19.10.2023 në Tiranë,

**Z.Ejlor Rryta**, shtetas Shqiptar, lindur me 22.09.1991, ne Tirane, madhor me zotësi të plotë për të vepruar, mbajtes i kartes se identitetit me nr. 036976571.

Vendosi të krijojë shoqërinë VALES, një shoqëri tregtare me përgjegjësi të kufizuar dhe disiplinën e saj sipas këtij statuti që përmban kushtet e mëposhtme:

**I. RREGULLAT E PËRGJITHSHME**

Shoqëria Tregtare VALES rregullon pozitën e saj juridike, marrëdhëniet e themeluesve, të organeve të saj, llojin e Shoqërisë, Kohëzgjatjen e veprimtarisë, marrëdhëniet me punonjësit, bazuar në ligjin nr.9901, datë 14.04.2008 "Për Tregtarët dhe Shoqëritë tregtare. ", dhe dispozitat e tjera të legjislacionit shqiptar ne fuqi.

**NENI 1.**

**Aktivitetet**

Shoqëria ka për objekt - në përputhje me dispozitat e ligjit - këto aktivitete:

1. Menaxhim anijesh
2. Agjensi detare
3. Transport detar
4. Pronar anijesh
5. Shitje blerje anijesh
6. Broker anijesh
7. Shitje blerje mallra per transport detar.

**NENI 2.**

**Emri dhe selia e shoqërisë.**

Shoqëria do të jetë në qarkullim me emrin VALES.

Selia e shoqërisë ndodhet në adresën: *Rr. Haxhi Dalliu ,pallati 52, shkalla 2, hyrja 9.*

**NENI 3.**

**Regjimi juridik i shoqërisë.**

Shoqëria bazohet në parimet e ekonomisë tregtare dhe qëllimi i saj është realizimi i fitimit. Shoqëria respekton parimet e reciprocitetit. Shoqëria ka përgjegjësi të kufizuar. Veprimtaria e shoqërisë i



nënshtrohet rregullave të Aktit të Themelimit, Statutit dhe rregullave të legjislacionit tregtar e civil në fuqi.

Shoqëria mund të ndryshojë formën e regjimit juridik me vendim të Asamblesë së ortakut, në bazë të rregullave që do të jenë në fuqi dhe në përputhje me dispozitat e aktit të themelimit dhe statutit, duke u përshtatur sipas ndryshimeve përkatëse.

Shoqëria gëzon personalitet juridik duke filluar nga data e regjistrimit të saj në regjistrin tregtar.

## **II.Të DREJTAT DHE DETYRIMET E ORTAKEVE**

### **NENI 4.**

Ortaku do të jetë përgjegjës për humbjet brenda kufijve të kapitalit të investuar.

Pasuritë e shoqërisë, të cilat rezultojnë në rrjedhën e veprimtarisë së saj, do të jenë në pronësi të ortakut, në përpjesëtim me kapitalin e mbajtur. Asetet mund të shiten, jepen me qira ose të lihen peng, me pëlqimin e ortakut.

### **NENI 5.**

#### **Të drejtat e ortakut.**

Ortaku ka të drejtë të administrojë aktivitetin e shoqërisë në përputhje me objektin e saj, duke përfshirë edhe veprimtarinë prodhuese dhe tregtare që mund të ushtrojë shoqëria, vlerat e saj intelektuale, ekonomike dhe financiare.

Ortaku ka të drejtë të heqi dorë nga shoqëria dhe të shese pjesën e kapitalit, gjë e cila bëhet në bazë të kushteve të autorizuara nga statuti dhe ligji.

Tërheqja nga shoqëria nuk mund t'i çlirojë ortakun nga detyrimet që ata kanë deri në momentin e heqjes dorë dhe nuk rrezikon marrjen e të ardhurave nga shoqëria të siguruar deri në atë moment.

Ortaku ka të drejtë në përputhje me Kushtetutën dhe statutin të jetë njëkohësisht aksioner në shoqëri të tjera

### **NENI 6.**

#### **Kohëzgjatja e Shoqërisë**

Kohëzgjatja e kompanisë është e pacaktuar.

Ortaku mund të vendosin afatin e shoqërisë sipas një vendimi të marrë në përputhje me statutin dhe ligjin.



### **III. KUSHTET EKONOMIKE TË SHOQËRISË**

#### **NENI 7.**

Veprimtaria e funksionit bazohet në kërkesat e se ekonomisë se tregut. Aktiviteti ekonomik ndertohet mbi parimet e llogarisë dhe pasqyrohen në pasqyrat financiare të shoqërisë.

#### **NENI 8.**

Kapitali i investuar nga ortakut përbën bazën për krijimin e fondit themeltar të mjeteve të xhiros.

#### **NENI 9.**

Kapitali themeltar përbëhet nga kontributi i ortakut të tij në vlerën 10,000,000 Leke (dhjetë milion lekë) dhe ndahet në 1 kuote.

Kontributi i ortakeve themelues në kapitalin fillestar ndahet si më poshtë:

Ejlor Rryta mbajtes i 100% te kapitalit themeltar

#### **NENI 10.**

##### **Trashëgimia sociale**

Shoqëria bëhet pronare e sendeve të luajshme dhe të paluajshme kur vlera e aseteve në total mbulohet tërësisht në të holla. Shoqëria nuk ka asnjë detyrim të përgjigjet për kthimin e tokës së blerë nga shteti tek ish-pronarët.

#### **NENI 11.**

##### **Pronësia mbi kuotat**

Kuotat e kapitalit dhe të drejtat që rezultojnë prej tyre fitohen ose kalohen, nëpërmjet :

- Kontributi në kapitalin e Shoqërisë
- Shit-blerjes
- Trashëgimia
- Dhurimi
- Në çdo mënyrë tjetër të kërkuar nga ligji.

#### **NENI 12.**

##### **Forma e transferimit**

Pavarësisht nga natyra e kalimit të pronësisë mbi kuotat, kërkohet miratimi i asamblesë së përgjithshme se ortakut .

Transferimet e kapitalit themeltar duhet të vërtetohen sipas ligjit, ndryshe janë të pavlefshme.

#### **NENI 13.**

##### **Zmadhimi dhe zvogëlimi i kapitalit**

Kapitali themeltar mund të rritet ose ulet me vendim të Asamblesë së Përgjithshme.



Rritja e kapitalit vendoset kur është e nevojshme për interesat e shoqërisë, duke aplikuar përqindje shtesë ndaj ortakeve.

Asamblesë së Përgjithshme e ortakeve vendos për uljen e kapitalit themeltar.

Ulja e kapitalit nuk duhet të dëmtojë kreditorët dhe nuk duhet të krijojë pasiguri tek ata që kanë dhënë kredi përpara publikimit të uljes së kapitalit. Në të kundert , Gjykata me kërkesën e kreditorëve mund ta konsiderojë këtë vendim të pavlefshëm.

#### **NENI 14.**

##### **Fondi rezervë**

Shoqëria krijon fondin rezervë dhe fonde të tjera financimi për të përballuar nevojat ekonomike. Ajo rregullon lirisht mjetet e saj financiare për likuidimin e detyrimeve gjatë veprimtarisë së saj.

#### **NENI 15.**

##### **Përdorimi i të ardhurave neto**

Arkëtimet neto që rezultojnë pas uljes së shpenzimeve të bëra për realizimin e çdo lloj aktiviteti, uljes së vlerës së amortizimit, uljes së taksave, kuotat që rrisin kredinë për investime, paga dhe shperblimet, përdoren nga ortaku, sipas qelimeve të tyre.

#### **NENI 16.**

##### **Buxheti dhe plani financiar**

Pasuritë e shoqërisë vlerësohen në bilancet e saj në monedhën shtetërore ose në valutë të huaj sipas vlerësimit të aksionarëve ose ekspertëve.

Buxheti vjetor paraqitet brenda afateve ligjore të vitit pasardhës. Forma e pasqyrave financiare përcaktohet në përputhje me formularët e pasqyrave financiare të përcaktuara nga Republika e Shqipërisë.

Plani financiar parashikon aktivet dhe detyrimet e veprimtarisë ekonomike të shoqërisë, të shprehura në lekë ose në monedhën e konvertueshme.

Pasqyra e të ardhurave do të mbahet në Shqipëri.

Këmbimi i monedhës shqiptare me atë të huaj dhe anasjelltas do të bëhet sipas kursit të këmbimit të monedhës zyrtare ose private.

#### **NENI 17.**

##### **Ndarja e fitimit**

Aksionarët kanë të drejtë të shpërndajnë fitimet e deklaruar në pasqyrat financiare të shoqërisë në raport me aksionet e zotëruara.



## IV.ORGANET E SHOQERISE.

### NENI 18.

#### Asambleja e Pergjithshme

Organi themelor i shoqerise eshte Asambleja e Pergjithshme. Ajo merr vendime te cilat kerkojne 3/4 e votave ne rastet e meposhtme:

1. ndryshimet e statutit
2. zmadhimin dhezvogelimin e kapitalit
3. riorganizimin dhe prishjen e shoqerise,
4. shperndarjen e fitimeve;
5. raste te tjera te parashikuara nga ligji ose statuti;

Per rastet e tjera ajo vendos me shumicen e votave te ortakëve pjesemarrës si me poshte:

- miratimin e rregullave procedurale te mbledhjeve te asamblesë
- çeshtje te tjera të parashikuara nga ligji apo statuti.
- percaktimin e politikave tregtare te shoqerise,
- emerimin e shkarkimin e administratorëve,
- emërimin e shkarkimin i likuiduesve dhe të eksperteve kontabël te autorizuar,
- percaktimin e shperblimeve për administratorët, likuiduesit dhe ekspertet kontabel te autorizuar.
- mbikëqyrjen e zbatimit te politikave tregtare nga administratorët, perfshire
- përgatitjen e pasqyrave financiare vjetore dhe të raporteve te ecurisë se veprimtarise,
- miratimin e pasqyrave financiare vjetore dhe te raporteve te ecurisë se veprimtarise,
- pjesetimin e kuotave dhe anulimin e tyre,
- perfaqesimin e shoqërisë në gjykatë dhe në procedimet e tjera ndaj administratorëve.

### NENI 19

Asambleja e Pergjithshme është e detyruar dhe me çdo kusht të mblidhet sa herë që mbledhja është e nevojshme për të mbrojtur interesat e shoqërisë në rastet e mëposhtme: sipas bilancit vjetor apo raporteve të ndërmjetme financiare, rezulton ose ekziston rreziku që aktivet e shoqërisë nuk i mbulojnë detyrimet e kërkueshme brenda 3 muajve në vazhdim.

Asambleja e Pergjithshme thirret nga administratorët apo ortakët të cilët përfaqësojnë të paktën 5% të totalit të votave në Asamblesë e Pergjithshme të shoqërisë. Në rastet e parashikuara në pikën një dhe tre më sipër, përpara Asamblesë së Pergjithshme paraqitet një raport i përgatitur nga një ekspert kontabël i autorizuar, i pavarur.

Në rastet e parashikuara në pikën një dhe tre Asambleja e Pergjithshme mund te miratoje nje rezolute keshilluese, duke miratuar apo bërë verejtje për veprimtarine e administratorëve.

## **NENI 20.**

### **Thirrja e Asamblesë së Përgjithshme**

Asambleja e Përgjithshme thirret nëpërmjet një njoftimi me shkresë ose me njoftim nepermjet postës elektronike. Njoftimi me shkresë apo me mesazh elektronik duhet të përmbajë vendin, datën, orën e mbledhjes dhe rendin e ditës e t'u dërgohet të gjithë ortakëve, jo më vonë se 7 ditë përpara datës së parashikuar për mbledhjen e asamblesë. Kur Asambleja e Përgjithshme nuk është thirrur si me sipër, ajo mund të marrë vendime të vlefshme vetëm nëse të gjithë ortakët janë dakord, për të marrë vendime, pavarësisht parregullsise.

## **NENI 21.**

### **Kuorumi I nevojshëm dhe vendim-marrja**

Në rastin e marrjes së vendimeve, që kërkojnë një shumicë të zakonshme, Asambleja e Përgjithshme mund të marrë vendime të vlefshme vetëm nëse marrin pjesë ortakët me të drejtë vote, që zotërojnë më shumë se 30% për qind të kuotave. Në rastin kur Asambleja e Përgjithshme duhet të vendosë për çështje, të cilat kërkojnë shumicë të kualifikuar, ajo mund të marrë vendime të vlefshme vetëm nëse ortakët që zotërojnë me shume se gjysmen e numrit total të votave janë të pranishëm personalisht, votojnë me shkresë, apo mjete elektronike. Nëse Asambleja e Përgjithshme nuk mund të mbledhet për shkak të mungesës së kuorumit të përmendur me sipër, asambleja mbledhet përsëri jo më vonë se 30 ditë, me të njëjtin rend dite. Ortakët, që nuk janë të pranishëm, mundesinë e pjesëmarrjes në mbledhjen e Asamblesë së Përgjithshme me mjete të ndryshme komunikimi, përfshirë mjetet elektronike, me kusht që të garantohet identifikimi i ortakëve. Ortaku, që pengohet të ushtrojë të drejtat që i rrjedhin nga zotërimi i kuotës së shoqërisë, ka të drejtë t'i kërkojë gjykatës të urdhërojë ndalimin e cenimit apo shpërblimin e demit të shkaktuar, si pasojë e cenimit të këtyre të drejtave.

## **NENI 22.**

### **Procesverbali i mbledhjes së asamblesë**

Te gjitha vendimet e Asamblesë së Përgjithshme duhet të regjistrohen në procesverbal të mbledhjeve. Administratorët përgjigjen për ruajtjen e kopjeve të procesverbaleve të mbledhjeve të asamblesë së përgjithshme.

Procesverbali duhet të përmbajë datën e vendin e mbledhjes, rendin e ditës, emrin e kryetarit e të mbajtësit të procesverbalit, rezultatet e votimit.

Procesverbalit i bashkëlidhet edhe lista e pjesëmarrësve, si edhe akti i thirrjes së asamblesë së përgjithshme.

Procesverbali i mbledhjes nënshkruhet nga kryetari dhe nga mbajtësi i procesverbalit.

## **NENI 23.**

### **Hetimet e posaçme**

Asambleja e Përgjithshme mund të vendosë nisjen e një hetimi të posaçëm për parregullsitë përgjatë veprimeve të themelimit të shoqërisë apo të ushtrimit të veprimtarisë tregtare. Hetimi kryhet nga një ekspert i pavarur i fushës. Ortakët që përfaqësojnë të paktën 5 për qind të totalit të votave në asamblesë të shoqërisë, apo një vlerë më të vogël të parashikuar në statut dhe/ose cilido kreditor i shoqërisë mund t'i kërkojnë asamblesë së përgjithshme emërimin e një eksperti të pavarur të fushës, kur ka dyshime të bazuara për shkelje të ligjit ose të statutit në të kundërt brenda 30 ditëve pas refuzimit nga asambleja për emërimin e ekspertit të pavarur, mund t'i kërkojnë gjykatës emërimin e



këtij eksperti. Nëse asambleja e përgjithshme nuk merr një vendim brenda 60 ditëve nga data e paraqitjes së kërkesës, kërkesa e ortakëve vlerësohet e refuzuar. E drejta për të kërkuar hetim të posaçëm, duhet të ushtrohet brenda 3 vjetëve nga data e regjistrimit të shoqërisë tregtare, kur hetimi ka si objekt parregullsite e procesit të themelimit, si dhe brenda 3 vjetëve nga data e veprimit, që konsiderohet i parregullt, kur hetimi ka si objekt parregullsitë e ushtrimit të veprimtarisë tregtare.

Ne rastet e vendimeve të parregullta të administratorit të shoqërisë, Asambleja e Përgjithshme ka të drejtë ti kërkojë Gjykatës kompetente shfuqizimin e këtyre vendimeve, kur këto përbëjnë shkelje të rëndë të ligjit apo statutit. Ortakët të cilet përfaqësojnë të paktën 5% të totalit të votave në asamblenë e përgjithshme apo secili kreditor i shoqërisë mund ti kërkojë asamblesë së Përgjithshme shfuqizimin si me sipër, ose ata mund të proçedojnë vetë përpara gjykatës brenda 30 ditëve nga refuzimi i asamblesë për ngritjen e padisë. Nëse Asambleja e Përgjithshme nuk merr një vendim brenda 60 ditëve nga data e kërkesës, kërkesa e ortakëve apo kreditorëve vlerësohet e refuzuar. Proçedurat përpara gjykatës ndiqen nga një përfaqësues i posaçëm i shoqërisë i emëruar nga Asambleja e Përgjithshme. Kreditorët apo ortakët e sipërpërmendur kanë të drejtë të kërkojnë përpara gjykatës zëvendësimin e përfaqësuesit kur ka dyshime në lidhje me të për përfaqësimin e tij jo në interes të shoqërisë.

Rastet e hetimeve të posaçme dhe shfuqizimit të vendimeve të parregullta do të rregullohen sipas neneve 91 dhe 92 të ligjit "Per Tregtarët dhe Shoqëritë Tregtare".

## V. ADMINISTRIMI I SHOQËRISË

### NENI 24.

Asambleja e Përgjithshme emëron një ose më shumë persona fizike si administratorë të shoqërisë. Afati i emërimit, nuk mund të jetë më i gjatë se 5 vjet, me të drejtë ripërtëritjeje. Emërimi i administratorëve prodhon efekte pas regjistrimit në Qendrën Kombëtare të Regjistrimit.

Administrator i Shoqërisë, i cili pranon do të jetë **Z.Ejlor Rryta**, shtetas Shqiptar, lindur me 22.09.1991, në Tiranë, madhor me zotësi të plotë për të vepruar, mbajtes i kartes se identitetit me nr. 036976571.

Shoqëria do të përfaqësohet përpara çdo organi administrativ, gjyqësor, apo çdo entiteti tjetër publik apo privat dhe në marrëdhënie me të tretët nga Administratori i shoqërisë, i cili i ushtron të drejtat e tij në përputhje me Statutin e shoqërisë dhe me legjislacionin shqiptar në fuqi.

### NENI 25.

#### Të drejtat dhe detyrimet e administratorit

Administratori ka të drejtë e detyrohet të:

1. kryejë të gjitha veprimet e administrimit të veprimtarisë tregtare të shoqërisë, duke zbatuar politikën tregtare, të vendosura nga asambleja e përgjithshme
2. përfaqësojë shoqërinë tregtare;
3. kujdeset për mbajtjen e saktë e të rregullt të dokumenteve dhe të librave kontabël të shoqërisë;

- 4 përgatisë dhe nënshkruajë bilancin vjetor, bilancin e konsoliduar dhe raportin e ecurisë së veprimtarisë dhe, së bashku me propozimet për shpërndarjen e fitimeve, të paraqesë këto dokumente përpara asamblesë së përgjithshme për miratim.
- 5 krijojë një sistem paralajmërimi në kohën e duhur për rrethanat, që kërcenojnë mbarevajtjen e veprimtarisë dhe ekzistencën e shoqërisë.
- 6 kryejë regjistrimet dhe dërgojë të dhënat e detyrueshme të shoqërisë, siç parashikohet në ligjin për Qendrën Kombëtare të Regjistrimit.
- 7 raportojë përpara asamblesë së përgjithshme në lidhje me zbatimin e politikave tregtare dhe me realizimin e veprimeve të posaçme me rëndësi të veçantë për veprimtarinë e shoqërisë tregtare.
- 8 kryejë detyra të tjera të përcaktuara në ligj dhe në statut.
- 9 të thërrasë asamblesën e përgjithshme kur shoqëria brenda 2 viteve të para pas regjistrimit të saj, propozon të blejë nga një ortak pasuri, që kanë vlerë më të lartë se 5 për qind të asetëve të shoqërisë, që rezulton në pasqyrat e fundit financiare të certifikuara dhe kur sipas bilancit vjetor apo raporteve të ndërmjetme financiare, rezulton ose ekziston rreziku që aktivet e shoqërisë nuk i mbulojnë detyrimet e kërkueshme brenda 3 muajve në vazhdim.

Në rast se Asambleja e Përgjithshme cakton më shumë se një Administrator, ata e administrojnë bashkërisht shoqërinë. Statuti ose rregulloret e tjera, të miratuara nga asambleja e përgjithshme, mund të parashikojnë ndryshe. Asambleja e Përgjithshme mund të shkarkojë administratorin në çdo kohë me shumicë të zakonshme. Statuti apo marrëveshje të tjera nuk mund të përjashtojnë apo kufizojnë këtë të drejtë. Padite, që lidhen me shpërblimin e administratorit, në baze të marrëdhënieve kontraktore me shoqërinë, rregullohen sipas dispozitave ligjore në fuqi.

#### **NENI 26.**

#### **Shpërblimi i administratorëve**

Shpërblimit bazë të administratorëve mund t'i bëhen shtesa, që mund të jenë përqindje në fitim ose të ngjashme. Shpërblimet e administratorëve përcaktohen me vendim të zakonshëm të Asamblesë së Përgjithshme.

Shpërblim, duhet të jetë i përshtatshëm dhe në përputhje me detyrat e administratorëve dhe gjendjen financiare të shoqërisë.

Nëse shoqëria është në vështirësi financiare, Asambleja e Përgjithshme mund të vendosë reduktimin e shpërblimit të administratorëve në masën e përshtatshme. Kriteret e shpërblimit, shpërblimi individual dhe efekti vjetor i shpërblimit të administratorëve në strukturën e kostove të shoqërisë tregtare publikohen së bashku me pasqyrat financiare vjetore.

#### **NENI 27**

#### **Eksperti kontabël**

Shoqëria cakton ekspertin kontabël për çdo vit financiar sipas parashikimeve ligjore. Emërimi i tyre bëhet nga Asambleja e Përgjithshme e Ortakëve. Eksperti kontabël është përgjegjës për mbajtjen e dokumentacionit të shoqërisë në mënyrë të rregullt.





Nuk mund të marrin detyrën e ekspertit, administratorët apo ortakët, si dhe personat me lidhje gjaku deri në shkallë të katërt.

## **VI. MARRDHËNIET E PUNËS.**

### **NENI 28.**

Marrdhëniet e punës në Shoqëri rregullohen sipas dispozitave të Aktit të Themelimit, Statutit dhe Legjislacionit Shqiptar të Punës.

Punësimi në Shoqëri realizohet me anë të kontrates individuale të punës midis Shoqërisë e të punësuarve.

### **NENI 29.**

Të punësuarit dhe punonjësit drejtues administrativ janë përgjegjës për dëmet që i shkaktojnë Shoqërisë për faj të tyre dhe përgjigjen para saj civilisht.

## **VI. PRISHJA E SHOQËRISË. LIKUJDIMI.**

### **NENI 30.**

Kjo Shoqëri do të priset në rast kur:

1. merr vendim Asambleja e Përgjithshme;
2. hapen procedurat e falimentimit;
3. nuk ka kryer veprimtari tregtare për dy vjet dhe nuk është njoftuar pezullimi i veprimtarisë në përputhje me pikën 3 të nenit 43 të ligjit nr.9723, datë 3.5.2007 "Për Qendrën Kombëtare të Regjistrimit";
4. merret një vendim gjykate;
5. për arsye të tjera, të parashikuara në statut;

Prishja e shoqërisë regjistrohet në Regjistrin Tregtar pranë Qendrës Kombëtare të Regjistrimit nga Administratorët.

### **NENI 31.**

#### **Likuidimi i shoqërisë**

Prishja e shoqërive tregtare ka si pasoje hapjen e procedurave të likuidimit në gjendjen e aftësisë paguese, me përjashtim të rasteve kur është nisur një procedure falimentimi. Likuidimi kryhet nga likuiduesit e emëruar nga asambleja e përgjithshme. Nëse asambleja e përgjithshme nuk merr një vendim për emërimin e likuiduesve, brenda 30 ditëve pas prishjes, çdo person i interesuar mund t'i drejtohet gjykatës, për të caktuar një likuidues. Çdo person i interesuar, ka të drejtë t'i kërkojë gjykatës zëvendësimin e likuiduesit, sipas vendimit të ortakëve, nëse paraqet arsye të mjaftueshme për të dyshuar se likuidimi i rregullt i shoqërisë mund të cenohet nga likuiduesit e emëruar si me sipër. Kërkesa duhet të depozitohet në gjykatë brenda 30 ditëve nga data e caktimit të likuiduesit. Gjykata emëron likuiduesin, në rastet kur shoqëria tregtare priset me vendim gjykate. Likuiduesit shkarkohen dhe zëvendësohen me të njejtat kushte, të parashikuara në dispozitat për emërimin e tyre.



Administratorët e shoqërisë i njoftojnë për regjistrim, Qendrës Kombëtare të Regjistrimit të dhenat e likuiduesve të parë dhe tagrat e tyre, për të përfaqësuar shoqërinë, së bashku me dokumentet përkatëse. Likuiduesit depozitojnë nënshkrimin e tyre. Likuiduesit i njoftojnë, gjithashtu, Qendrës Kombëtare të Regjistrimit për regjistrim çdo ndryshim për identitetin dhe tagrat e tyre të përfaqësimit. Emërimi i likuiduesve nga gjykata regjistrohet sipas nenit 45 të ligjit nr. 9723, datë 3.5.2007

"Për Qendrën Kombëtare të

Regjistrimit". Me hapjen e procedurave të likuidimit, emri i regjistruar i shoqërisë ndiqet nga shënimi "në likuidim". Likuiduesit duhet të ftojnë kreditorët e shoqërisë për të depozituar pretendimet e tyre për prishjen e saj brenda 30 ditëve. Likuiduesi merr përsipër të drejtat dhe detyrimet e administratorëve nga data e emërimit të tij.

### **NENI 32.**

#### **Të drejtat e detyrimet e likuiduesit**

Detyra e likuiduesve është mbyllja e të gjitha veprimeve të shoqërisë, mbledhja e kredive të paarkëtuara dhe e kontributeve të pashlyera, shitja e pasurive të shoqërisë dhe shlyerja e kreditorëve duke respektuar radhën e referimit, sipas nenit 605 të Kodit Civil. Likuiduesi mund të kryejë edhe veprime të reja tregtare, për mbylljen e një veprimi të papërfunduar. Nëse, në bazë të padive të ngritura nga kreditorët, likuiduesit vërejnë se pasuria e shoqërisë tregtare, përfshirë kontributet e pashlyera, nuk është e mjaftueshme për pagesën e këtyre pretendimeve, likuiduesit detyrohen ta pezullojnë procedurën e likuidimit e t'i kërkojnë gjykatës përkatëse nisjen e procedurave të falimentimit.

### **NENI 33.**

#### **Bilancet**

Likuiduesi përgatit një bilanc të gjendjes së shoqërisë në çastin e hapjes së likuidimit dhe një bilanc përfundimtar në çastin e mbylljes së këtyre procedurave. Nëse procedura e likuidimit zgjat më shumë se një vit, likuiduesi përgatit, gjithashtu, pasqyrat financiare vjetore të shoqërisë. Bilancet miratohen nga Asambleja e Përgjithshme.

### **NENI 34.**

#### **Shpërndarja e aktiveve**

Pas shlyerjes së detyrimeve ndaj kreditorëve, likuiduesi u shpërndan ortakëve aktivet e mbetura, sipas të drejtave që ata kanë në ndarjen e fitimeve, me përjashtim të rastit kur statuti parashikon radhë preference. Pasuritë, që i janë dhënë shoqërisë me qira apo në përdorim, me çfarëdo titulli u kthehen ortakëve apo aksionarëve. Pas shpërndarjes së aktiveve të mbetura, likuiduesi e njofton Qendrën Kombëtare të Regjistrimit për përfundimin e likuidimit dhe kërkon çregjistrimin e shoqërisë.

### **NENI 35.**

#### **Likuidimi i thjeshtëzuar**

Shoqëria mund të likuidohet nëpërmjet një procedure të përsheptuar, nëse kjo vendoset nga të gjithë ortakët dhe kur këta deklarojnë përpara gjykatës përkatëse se të gjitha detyrimet e shoqërisë ndaj kreditorëve janë shlyer e janë rregulluar të gjitha marrëdhëniet me punëmarrësit.

Administratorët, në përputhje me nenin 43 të ligjit nr. 9723, datë 3.5.2007 "Për Qendrën Kombëtare të Regjistrimit, njoftojnë për regjistrim pranë Qendrës Kombëtare të Regjistrimit vendimin për likuidimin e shoqërisë, nëpërmjet procedurës së thjeshtëzuar. Administratorët janë përgjegjës për dëmin e shkaktuar nga shkelja e detyrave të tyre gjatë likuidimit të thjeshtëzuar. Përveç administratorëve, ortakët apo aksionarët e shoqërisë përgjigjen në mënyrë solidare deri në shumat e marra.

## VII. DISPOZITA TË FUNDIT.

### **NENI 36.**

Ky Statut hyn në fuqi pas miratimit dhe regjistrimit të shoqëris pranë Qendrës Kombëtare të Regjistrimit.

### **NENI 37.**

Gjithçka që nuk është parashikuar shprehimisht në këtë Statut do të disiplinohet nga legjislatiioni tregtar dhe ligje të tjera të lidhura me të në fuqi në Republikën e Shqipërisë.

### **NENI 38.**

Statuti pasi u lexua nga anëtarët, u konstatua në përputhje me vullnetin e tyre të lirë dhe nënshkruhet pa asnjë vërejtje.

ORTAKET THEMELUES

**Ejlor Rryta**

